

Hierdie joernaal behoort aan:

K E N D I E
L I E F D E
vir kinders

'N STUDIE VAN
1, 2, 3 JOHANNES

KEN DIE LIEFDE: 'N STUDIE VAN 1, 2, 3 JOHANNES

Kopiereg © 2020 deur Love God Greatly Bediening

Toestemming word verleen om hierdie dokument te druk en te herproduseer vir die doel om die *Ken die Liefde: 'n Studie van 1, 2, 3 Johannes* aanlyn Bybelstudie te voltooi. Moet asseblief nie hierdie dokument op enige manier verander nie. Alle regte voorbehou.

Gepubliseer in Dallas deur Love God Greatly.

‘n Woord aan Ouers

Hierdie boek is die resultaat van ‘n begeerte om ‘n bygaande studie joernaal vir kinders te hê wat saam met die *Ken die Liefde* joernaal vir volwassenes gebruik kan word.

Love God Greatly Afrikaans is toegewy om God se Woord beskikbaar te maak aan ons pragtige gemeenskap van vrouens... en nou het vrouens die geleentheid om God se Woord met hulle kinders te deel deur hierdie studie wat uniek ontwerp is vir jong harte.

INHOUDSOPGAVE

<i>07</i>	INLEIDING
<i>08</i>	LEESPLAN
<i>11</i>	JOU DOELWITTE
<i>12</i>	WEEK 1
<i>28</i>	WEEK 2
<i>44</i>	WEEK 3
<i>60</i>	WEEK 4

INLEIDING

KEN DIE LIEFDE

“ONS MOET MEKAAR LIEFHÊ.”

Is dit partykeer vir jou moeilik om ander lief te hê? Dit kan soms nogal moeilik wees om lief te wees vir mense wat lelik en gemeen met ons is. As ‘n mens iemand nie goed ken nie, is dit ook partykeer moeilik om hulle lief te hê. En soms is dit moeilik om vir ander lief te wees omdat hulle dalk iets het wat ons graag wil hê.

As iemand oor en oor dieselfde ding vir jou sê, is dit gewoonlik omdat dit baie belangrik is. Johannes, een van Jesus se dissipels het drie briewe aan Jesus se volgelingen geskryf. In dié drie briewe sê Johannes dertien keer vir sy lesers om “mekaar lief te hê.” Hy wou hê sy lesers moet seker maak dat hulle mekaar liefhet en dat hulle ook weet hóé om regtig vir mekaar lief te wees.

Dis belangrik om ander lief te hê want dit wys vir almal om ons dat ons in Jesus glo en Hom liefhet. As ons ander mense liefhet, volg ons God se opdragte en is ons gehoorsaam aan Hom. En wanneer ons God se opdragte uitvoer, maak dit vir ons en die mense om ons gelukkig.

Selfs al is dit amper 2 000 jaar gelede geskryf, is dit vir ons vandag nog baie belangrik om 1, 2 en 3 Johannes te lees omdat dié briewe ons leer om te lewe soos Jesus gelewe het en om lief te hê soos Jesus liefgehad het. As ons aan Hom gehoorsaam is soos ons aan ons ouers, onderwysers en afrigters gehoorsaam is, leer ons meer oor hoe lief Hy ons het.

Terwyl jy hierdie drie kort boeke lees en bestudeer, soek na die maniere wat God jou liefhet en die maniere wat Hy vir ons sê om ander lief te hê. Probeer dink wat jy vir ander mense kan doen om God se liefde vir hulle te wys. Soos jy meer van Jesus leer, hoe kan jy vir ander van sy liefde en jou geloof in Hom vertel?

God wil hê dat ons Hom met ons hele hart, verstand en siel moet liefhê. Hy wil hê dat ons gehoorsaam moet wees aan sy opdragte en dat ons ander sal liefhê. Ons kan ander liefhê omdat Hy ons eerste liefgehad het (1 Johannes 4:19). Deur Johannes se briewe te bestudeer, kan ons leer om God groots met ons lewens lief te hê.

SOAP LEESPLAN

WEEK 1

Maandag

Lees: 1 Johannes 1:1–4

SOAP: 1 Johannes 1:4

Dinsdag

Lees: 1 Johannes 1:5–2:2

SOAP: 1 Johannes 1:9

Woensdag

Lees: 1 Johannes 2:3–11

SOAP: 1 Johannes 2:3–6

Donderdag

Lees: 1 Johannes 2:12–17

SOAP: 1 Johannes 2:15–16

Vrydag

Lees: 1 Johannes 2:18–27

SOAP: 1 Johannes 2:25

WEEK 2

Maandag

Lees: 1 Johannes 2:28–3:10

SOAP: 1 Johannes 2:28–29

Dinsdag

Lees: 1 Johannes 3:11–17

SOAP: 1 Johannes 3:16–17

Woensdag

Lees: 1 Johannes 3:18–24

SOAP: 1 Johannes 3:19–20

Donderdag

Lees: 1 Johannes 4:1–6

SOAP: 1 Johannes 4:4–5

Vrydag

Lees: 1 Johannes 4:7–11

SOAP: 1 Johannes 4:10

WEEK 3

Maandag

Lees: 1 Johannes 4:12–19

SOAP: 1 Johannes 4:16

Dinsdag

Lees: 1 Johannes 4:20–5:4

SOAP: 1 Johannes 5:3

Woensdag

Lees: 1 Johannes 5:5–12

SOAP: 1 Johannes 5:11–12

Donderdag

Lees: 1 Johannes 5:13–21

SOAP: 1 Johannes 5:14–15

Vrydag

Lees: 2 Johannes 1:1–4

SOAP: 2 Johannes 1:4

WEEK 4

Maandag

Lees: 2 Johannes 1:5–8

SOAP: 2 Johannes 1:6

Dinsdag

Lees: 2 Johannes 1:9–13

SOAP: 2 Johannes 1:12

Woensdag

Lees: 3 Johannes 1:1–4

SOAP: 3 Johannes 1:4

Donderdag

Lees: 3 Johannes 1:5–8

SOAP: 3 Johannes 1:8

Vrydag

Lees: 3 Johannes 1:9–15

SOAP: 3 Johannes 1:11

JOU DOELWITTE

1. Ons glo dat dit belangrik is om doelwitte neer te skryf vir hierdie studie. Neem nou tyd en skryf drie doelwitte neer waarop jy wil fokus soos jy elke dag opstaan en in God se Woord delf.

2. Maak seker dat jy terugverwys na hierdie doelwitte tydens die volgende paar weke, om jou te help om gefokus te bly. Jy kan dit doen!

3.

Handtekening:

Datum:

GEBED

SKRYF JOU GEBEDSVERSOEKE EN
LOFPRYSINGS VIR ELKE DAG NEER.

Gebedsfokus vir hierdie week:
Spandeer tyd om vir jou familie te bid.

MAANDAG

DINSDAG

WOENSDAG

DONDERDAG

VRYDAG

WEEK 1

Wie sy woord egter gehoorsaam
- in hom het die liefde van God
werklik sy doel volkome bereik.
Hieraan weet ons dat ons in Hom is.

1 Johannes 2:5

SKRIFGEDEELTES VIR WEEK 1

MAANDAG

1 Johannes 1:1-4

1 Van die begin af was Hy daar. Ons het Hom self gehoor; ons het Hom met ons eie oë gesien; ja, ons het Hom gesien en met ons eie hande aan Hom geraak. Hy is die Woord, die Lewe. 2 Die Lewe het gekom; ons het Hom gesien en is getuie daarvan, en ons verkondig aan julle die Ewige Lewe wat by die Vader was en aan ons geopenbaar is. 3 Hom wat ons gesien en gehoor het, verkondig ons aan julle, sodat julle aan ons gemeenskap deel kan hê. En die gemeenskap waaraan ons deel het, is dié met die Vader en met sy Seun, Jesus Christus. 4 Dit skryf ons sodat ons blydschap volkome kan wees.

DINSDAG

1 Johannes 1:5-2:2

5 Dít is nou die boodskap wat ons by Hom gehoor het en aan julle verkondig: God is lig, en daar is geen duisternis in Hom nie. 6 As ons beweer dat ons aan Hom deel het, en ons lewe in die duisternis, lieg ons en handel ons nie volgens die waarheid nie. 7 Maar as ons in die lig lewe soos Hy in die lig is, het ons met mekaar deel aan dieselfde gemeenskap en reinig die bloed van Jesus, sy Seun, ons van elke sonde. 8 As ons beweer dat ons nie sonde het nie, bedrieg ons onself en is die waarheid nie in ons nie. 9 Maar as ons ons sondes bely – Hy is getrou en regverdig, Hy vergewe ons ons sondes en reinig ons van alle ongeregtigheid. 10 As ons beweer dat ons nie gesondig het nie, maak ons Hom tot leuenaar en is sy woord nie in ons nie.

1 Dit skrywe ek aan julle, my liewe kinders, dat julle nie moet sondig nie. En as een van ons sondig – ons het Jesus Christus, die regverdige, as ons voorspraak by die Vader. 2 Hy is die versoening vir ons sondes; en nie net vir óns sondes nie, maar ook vir dié van die hele wêreld.

WOENSDAG

1 Johannes 2:3-11

3 As ons die gebooie van God gehoorsaam, weet ons daaraan dat ons Hom ken. 4 Iemand wat sê: “Ek ken Hom,” maar nie sy gebooie gehoorsaam nie, is ‘n leuenaar, en die waarheid is nie in hom nie. 5 Wie sy woord egter gehoorsaam – in hom het die liefde van God werklik sy doel volkome bereik. Hieraan weet ons dat ons in Hom is. 6 Wie beweer dat hy in Hom bly, behoort self ook te lewe soos Jesus gelewe het.

7 Geliefdes, dit is nie ‘n nuwe gebod wat ek aan julle voorskrywe nie, maar ‘n ou gebod wat

julle van die begin af gehad het. Die ou gebod is die boodskap wat julle gehoor het. 8 Tog is dit ook 'n nuwe gebod wat ek aan julle voorskrywe. Dat dit werklik so is, is te sien in Jesus en ook in julle, want die duisternis is aan die verbygaan, en die ware lig skyn alreeds. 9 As iemand beweert dat hy in die lig is, maar hy haat sy broer, is hy nog steeds in die duisternis. 10 Wie sy broer liefhet, bly in die lig, en daar is niks wat hom laat struikel nie. 11 Maar wie sy broer haat, is in die duisternis en lewe in die duisternis en weet nie waar hy gaan uitkom nie, omdat die duisternis hom blind gemaak het.

DONDERDAG

1 Johannes 2:12-17

12 Ek skrywe vir julle, lieve kinders, omdat julle sondes vergewe is in die Naam van Jesus. 13 Ek skrywe vir julle, vaders, omdat julle Jesus ken wat van die begin af daar was. Ek skrywe vir julle, jongmense, omdat julle die Bose oorwin het. 14 Ek het vir julle geskrywe, kinders, omdat julle die Vader ken. Ek het vir julle geskrywe, vaders, omdat julle Jesus ken wat van die begin af daar was. Ek het vir julle geskrywe, jongmense, omdat julle sterk is en die woord van God in julle bly en julle die Bose oorwin het.

15 Moenie die sondige wêreld en die dinge van die wêreld liefhê nie. As iemand die wêreld liefhet, is die Vader se liefde nie in hom nie. 16 Die wêreldse dinge – alles wat die sondige mens begeer, alles wat sy oë sien en begeer, al sy gesteldheid op besit – kom nie van die Vader nie, maar uit die wêreld. 17 En die wêreld met sy verleidelike dinge gaan verby, maar wie die wil van God doen, bly ewig lewe.

VRYDAG

1 Johannes 2:18-27

18 Kinders, dit is die laaste uur. Julle het gehoor dat daar 'n antichris kom; en daar is nou reeds baie antichriste. Daaruit weet ons dat dit die laaste uur is. 19 Hulle het wel uit ons geledere voortgekom, maar niemand van hulle was ooit werklik een van ons nie, want as hulle werklik van ons was, sou hulle by ons gebly het. Dit moes duidelik word dat geeneen van hulle werklik een van ons is nie.

20 Julle is egter deur die Heilige Gees gesalf, en julle ken almal die waarheid. 21 Ek skrywe nie vir julle omdat julle nie die waarheid sou ken nie, maar juis omdat julle dit ken en weet dat daar geen leuen uit die waarheid voortkom nie. 22 Wie is die leuenaar anders as hy wat nie wil erken dat Jesus werklik die Christus is nie? Hy is die antichris, hy wat nie die Vader en die Seun wil erken nie. 23 Wie nie die Seun erken nie, verwerp ook die Vader; wie die Seun erken, erken ook die Vader.

24 Wat julle betref, wat julle van die begin af gehoor het, moet in julle bly. As wat julle van die begin af gehoor het, in julle bly, sal julle ook in die Seun en in die Vader bly. 25 En dít is wat die Seun ons belowe het: die ewige lewe. 26 Dit het ek aan julle geskrywe oor die mense wat vir julle wil mislei.

27 Wat julle egter betref, die Gees waarmee Hy julle gesalf het, bly in julle, en julle het niemand anders nodig om julle te leer nie. Sy Gees leer julle alles, en wat Hy julle leer, is die waarheid en geen leuen nie. Ja, soos Hy julle geleer het, moet julle in die Seun bly.

HIERDIE WEEK
HET EK GELEER...

GEBRUIK DIE SPASIE HIER ONDER OM 'N PRENTJIE
TE TEKEN OF TE SKRYF OOR WAT JY HIERDIE WEEK
GELEER HET UIT JOU TYD IN GOD SE WOORD.

GEBED

SKRYF JOU GEBEDSVERSOEKE EN
LOFPRYSINGS VIR ELKE DAG NEER.

Gebedsfokus vir hierdie week:
Spandeer tyd om vir jou land te bid.

MAANDAG

DINSDAG

WOENSDAG

DONDERDAG

VRYDAG

WEEK 2

Werklike liefde is dít: nie die liefde wat ons vir God het nie, maar die liefde wat Hy aan ons bewys het deur sy Seun te stuur as versoening vir ons sondes.

1 Johannes 4:10

SKRIFGEDEELTES VIR WEEK 2

MAANDAG

1 Johannes 2:28-3:10

28 En nou, liewe kinders, julle moet in Hom bly, sodat ons almal niks te vrees sal hê wanneer Hy kom nie en by sy wederkoms nie beskaamd voor Hom sal staan nie. 29 Aangesien julle weet dat Hy regverdig is, weet julle ook dat elkeen wat regverdig lewe, 'n kind van God is.

1 Kyk watter groot liefde die Vader aan ons bewys het: Hy noem ons kinders van God en ons is dit ook. En die wêreld ken ons nie, omdat dit Hom nie ken nie. 2 Geliefdes, ons is nou reeds kinders van God. Dit is nog nie geopenbaar wat ons sal wees nie, maar ons weet dat, wanneer Jesus kom, ons soos Hy sal wees. Ons sal Hom sien soos Hy werklik is. 3 Elkeen wat hierdie verwagting in verband met Hom koester, hou homself rein soos Jesus rein is.

4 Elkeen wat sonde doen, oortree die wet van God. Sonde is immers oortreding van die wet van God. 5 Julle weet dat Jesus gekom het om die sondes weg te neem, en daar is geen sonde in Hom nie. 6 Iemand wat in Hom bly, hou nie aan met sondig nie; iemand wat aanhou sondig, het Hom nie gesien nie en ken Hom nie. 7 Liewe kinders, moenie dat iemand julle mislei nie: wie regverdig lewe, is regverdig soos Hy regverdig is; 8 wie aanhou sonde doen, behoort aan die duiwel, want die duiwel hou van die begin af aan met sondig. En die Seun van God het juis gekom om die werk van die duiwel tot niet te maak. 9 Iemand wat 'n kind van God is, doen nie meer sonde nie, omdat die Gees van God in hom bly; en hy kan nie meer sondig nie, omdat hy uit God gebore is. 10 Hiëraan is dit duidelik wie kinders van God en wie kinders van die duiwel is: iemand wat nie regverdig lewe nie en nie sy broer liefhet nie, behoort nie aan God nie.

DINSDAG

1 Johannes 3:11-17

11 Dít is immers die boodskap wat julle van die begin af gehoor het: Ons moet mekaar liefhê. 12 Moenie soos Kain wees nie. Hy het aan die Bose behoort en het sy broer vermoor. En waarom het hy hom vermoor? Omdat sy eie dade sleg was en sy broer s'n reg.

13 Broers, moenie verbaas wees as die wêreld julle haat nie. 14 Ons weet dat ons klaar uit die dood na die lewe oorgegaan het, want ons het ons broers lief. Wie nie liefhet nie, bly in die dood. 15 Elkeen wat sy broer haat, is 'n moordenaar; en julle weet dat geen moordenaar die ewige lewe in hom het nie. 16 Hiëraan weet ons wat liefde is: Jesus het sy lewe vir ons afgelê. Ons behoort ook ons lewens vir ons broers af te lê. 17 Wie aardse besittings het en sy broer sien gebrek ly, maar geen gevoel vir hom het nie – hoe kan die liefde van God in Hom wees?

WOENSDAG

1 Johannes 3:18-24

18 Liewe kinders, ons liefde moenie net woorde en lippetaal wees nie, maar moet met die daad bewys word, en dan in opregtheid. 19 Hierdeur kan ons ook te wete kom dat ons aan die ware God behoort en kan ons ons gewete voor Hom tot rus bring. 20 As ons gewete ons veroordeel - God is groter as ons gewete, en Hy weet alles. 21 Geliefdes, as ons gewete ons nie veroordeel nie, het ons vrymoedigheid om na God te gaan; 22 en wat ons vra, kry ons van Hom omdat ons sy gebooië gehoorsaam en doen wat Hy goedvind. 23 En dít is sy gebod: Ons moet in sy Seun, Jesus Christus, glo en ons moet mekaar liefhê ooreenkomstig die gebod wat Hy ons gegee het. 24 Wie se gebooië gehoorsaam, bly in God en God in hom. Hiéeraan weet ons dat Hy in ons bly: Hy het ons sy Gees gegee.

DONDERDAG

1 Johannes 4:1-6

1 Geliefdes, moenie enigeen glo wat sê dat hy die Gees van God het nie, want daar is nou reeds baie vals profete in die wêreld, maar ondersoek elkeen, ondersoek of sy gees van God afkomstig is. 2 Hiéaraan ken julle die Gees van God: elkeen wat bely dat Jesus werklik die Christus is wat mens geword het, het die Gees wat van God afkomstig is. 3 En elkeen wat dit nie van Jesus bely nie, het nie die Gees wat van God afkomstig is nie. Hy het die gees van die antichris, die gees van wie julle gehoor het dat hy kom en wat nou reeds in die wêreld is.

4 Julle behoort aan God, lieve kinders, en het die vals profete klaar oorwin omdat Hy wat in julle is, groter is as die duiwel, wat in die wêreld is. 5 Hulle behoort aan die wêreld, en wat hulle sê, is dus van die wêreld afkomstig, en die wêreld luister na hulle. 6 Ons behoort aan God, en wie vir God ken, luister na ons; wie nie aan God behoort nie, luister nie na ons nie. Hieraan kan ons die Gees van die waarheid en die gees van die dwaalleer onderskei.

VRYDAG

1 Johannes 4:7:11

7 Geliefdes, ons moet mekaar liefhê, want liefde kom van God, en elkeen wat liefhet, is 'n kind van God en ken God. 8 Wie nie liefhet nie, het geen kennis van God nie, want God is liefde. 9 Hiérin is God se liefde vir ons geopenbaar: sy enigste Seun het Hy na die wêreld toe gestuur sodat ons deur Hom die lewe kan hê. 10 Werklike liefde is dít: nie die liefde wat ons vir God het nie, maar die liefde wat Hy aan ons bewys het deur sy Seun te stuur as versoening vir ons sondes.

11 Geliefdes, as dit is hoe God sy liefde aan ons bewys het, behoort ons mekaar ook lief te hê.

HIERDIE WEEK
HET EK GELEER...

GEBRUIK DIE SPASIE HIER ONDER OM 'N PRENTJIE
TE TEKEN OF TE SKRYF OOR WAT JY HIERDIE WEEK
GELEER HET UIT JOU TYD IN GOD SE WOORD.

GEBED

SKRYF JOU GEBEDSVERSOEKE EN
LOFPRYSINGS VIR ELKE DAG NEER.

Gebedsfokus vir hierdie week:
Spandeer tyd om vir jou vriende te bid.

MAANDAG

DINSDAG

WOENSDAG

DONDERDAG

VRYDAG

WEEK 3

En ons ken die liefde wat God
vir ons het, en ons glo daarin.
God is liefde; wie in die liefde bly,
bly in God en God bly in hom.

1 Johannes 4:16

SKRIFGEDEELTES VIR WEEK 3

MAANDAG

1 Johannes 4:12-19

12 Niemand het God nog ooit gesien nie, maar as ons mekaar liefhet, bly God in ons en het sy liefde in ons sy doel volkome bereik. 13 Hiëraan weet ons dat ons in Hom bly en Hy in ons: Hy het ons sy Gees gegee. 14 En ons het gesien en is getuie daarvan dat die Vader die Seun as Redder van die wêreld gestuur het.

15 Wie bely dat Jesus die Seun van God is – God bly in hom en hy in God. 16 En ons ken die liefde wat God vir ons het, en ons glo daarin. God is liefde; wie in die liefde bly, bly in God en God bly in hom. 17 Hiërin het die liefde sy doel volkome met ons bereik: ons het niks te vrees vir die oordeelsdag nie, want in hierdie wêreld lewe ons reeds deur die liefde net soos Jesus. 18 Waar liefde is, is daar geen vrees nie, maar volmaakte liefde verdryf vrees, want vrees verwag straf, en wie nog vrees, het nie volmaakte liefde nie. 19 Ons het lief omdat God ons eerste liefgehad het.

DINSDAG

1 Johannes 4:20-5:4

20 As iemand sê: “Ek het God lief,” en hy haat sy broer, is hy ‘n leuenaar; want wie sy broer, wat hy kan sien, nie liefhet nie, kan onmoontlik vir God liefhê, wat hy nie kan sien nie. 21 En hierdie gebod het ons van Hom gekry: Wie vir God liefhet, moet ook sy broer liefhê.

1 Elkeen wat glo dat Jesus die Christus is, is ‘n kind van God; en elkeen wat vir die Vader liefhet, het ook die ander lief wat kinders van die Vader is. 2 Hiëraan weet ons dat ons die kinders van God liefhet: wanneer ons God liefhet en sy gebooie onderhou. 3 Die liefde vir God bestaan dan daarin dat ons sy gebooie gehoorsaam. Sy gebooie is ook nie moeilik om te gehoorsaam nie, 4 want enigeen wat ‘n kind van God is, kan die sondige wêreld oorwin.

En die oorwinning wat ons oor die wêreld behaal het, is deur ons geloof.

WOENSDAG

1 Johannes 5:5-12

5 Wie anders is dit wat die wêreld oorwin as hy wat glo dat Jesus die Seun van God is? 6 Die Een wat deur die water van sy doop en die bloed van sy dood na ons toe gekom het, is Jesus Christus; nie net deur die water nie, maar deur die water én die bloed. Die Gees is die getuie daarvan, en die Gees is die waarheid. 7 Daar is dus drie wat getuig: 8 die Gees en die water en die bloed, en die drie se getuienis stem ooreen.

9 Ons aanvaar mense se getuienis, hoeveel te meer die getuienis van God, want dit is God wat getuig, en die getuienis handel oor sy Seun. 10 Wie in die Seun van God glo, besit die getuienis in sy hart; wie God nie glo nie, maak Hom tot leuenaar, omdat hy nie die getuienis glo wat God oor sy Seun gelewer het nie. 11 En die getuienis behels dít: God het ons die ewige lewe gegee, en dié lewe is deur sy Seun. 12 Wie die Seun het, het die lewe; wie nie die Seun van God het nie, het ook nie die lewe nie.

DONDERDAG

1 Johannes 5:13-21

13 Hierdie brief skrywe ek vir julle, sodat julle kan weet dat julle die ewige lewe het, julle wat in die Seun van God glo.

14 En nou kan ons met vrymoedigheid na God gaan, omdat Hy ons gebede verhoor as ons enigiets volgens sy wil vra. 15 En aangesien ons weet dat Hy ons gebede verhoor as ons iets só vra, weet ons ook dat ons kry wat ons van Hom vra. 16 As iemand sy broer sonde sien doen wat nie tot die dood lei nie, moet hy bid en God sal die broer die ewige lewe gee. Dit geld dié wat sonde doen wat nie tot die dood lei nie. Daar is sonde wat tot die dood lei; daarvoor sê ek nie dat hy moet bid nie. 17 Alle ongeregtigheid is sonde, maar daar is sonde wat nie tot die dood lei nie.

18 Ons weet dat iemand wat uit God gebore is, nie meer sondig nie, maar die Seun van God bewaar hom, en die duiwel kry geen houvas op hom nie. 19 Ons weet dat ons aan God behoort en dat die hele sondige wêreld in die mag van die duiwel is. 20 En ons weet dat die Seun van God gekom het en ons verstand gegee het om die ware God te ken; en ons in die ware God, in sy Seun, Jesus Christus. Hy is die ware God en die ewige lewe. 21 Liewe kinders, bly dus weg van afgode af.

VRYDAG

2 Johannes 1:1-4

1 Van die oudste. Aan die uitverkore vrou en aan haar kinders. Ek het julle waarlik lief, en nie ek alleen nie, maar ook almal wat die waarheid ken, 2 omdat die waarheid in ons bly en ewig by ons sal wees. 3 Die genade, barmhartigheid en vrede wat van God die Vader kom en van Jesus Christus, die Seun van die Vader, sal by ons wees wat in die waarheid en die liefde is.

4 Ek was baie bly toe ek van jou kinders teëgekome het wat in ooreenstemming met die waarheid lewe, volgens die gebod wat ons Vader ontvang het.

HIERDIE WEEK
HET EK GELEER...

GEBRUIK DIE SPASIE HIER ONDER OM 'N PRENTJIE
TE TEKEN OF TE SKRYF OOR WAT JY HIERDIE WEEK
GELEER HET UIT JOU TYD IN GOD SE WOORD.

GEBED

SKRYF JOU GEBEDSVERSOEKE EN
LOFPRYSINGS VIR ELKE DAG NEER.

Gebedsfokus vir hierdie week:
Spandeer tyd om vir jou kerk te bid.

MAANDAG

DINSDAG

WOENSDAG

DONDERDAG

VRYDAG

WEEK 4

En liefde beteken dat ons volgens die gebooiie van God lewe. Soos julle van die begin af gehoor het, is dit sy gebod dat julle in die liefde moet lewe.

2 Johannes 1:6

SKRIFGEDEELTES VIR WEEK 4

MAANDAG

2 Johannes 1:5-8

5 En nou het ek 'n versoek, geagte vrou. Dit is nie iets nuuts wat ek vir julle voorskrywe nie, maar 'n gebod wat ons van die begin af gehad het: Ons moet mekaar liefhê. 6 En liefde beteken dat ons volgens die gebooie van God lewe. Soos julle van die begin af gehoor het, is dit sy gebod dat julle in liefde moet lewe. 7 Daar het baie misleiers te voorskyn gekom in die wêreld. Hulle erken nie dat Jesus die Christus is wat mens geword het nie. Dit is wat ek met "die misleier", "die antichris", bedoel. 8 Julle moet toesien dat julle nie verloor wat ons voor gewerk het nie, maar dat julle die volle loon ontvang.

DINSDAG

2 Johannes 1:9-13

9 Elkeen wat nie by die leer oor Christus bly nie, maar daaraan verander, erken God nie. Wie in dié leer bly, erken sowel die Vader as die Seun. 10 As daar iemand na julle toe kom wat 'n ander leer bring, moet julle hom nie in julle huise ontvang nie en hom selfs nie groet nie, 11 want wie hom groet, is saam skuldig aan die kwaad wat hy doen.

12 Daar is nog baie dinge om vir julle te sê. Ek wil dit egter nie skriftelik doen nie, maar hoop om na julle toe te kom en persoonlik met julle te praat, sodat ons blydschap volkome kan wees.

13 Die kinders van jou uitverkore suster stuur vir jou groete.

WOENSDAG

3 Johannes 1:1-4

1 Van die oudste. Aan Gaius, my vriend, wat ek waarlik liefhet. 2 Liewe Gaius, ek hoop dat jy gesond is en dat dit in alle opsigte so goed gaan met jou as wat dit geestelik met jou gaan. 3 Ek was baie bly toe hier medegelowiges kom en van jou trou aan die waarheid vertel, hoe jy in die waarheid lewe.

4 Niks verskaf my groter vreugde nie as om te hoor dat my kinders in die waarheid lewe.

DONDERDAG

3 Johannes 1:5-8

5 Liewe Gaius, jy handel reg in wat jy vir jou medegelowiges doen, en dit nog terwyl jy hulle nie eens geken het nie. 6 Hulle het hier voor die gemeente vertel van jou liefde. Help hulle asseblief vir hulle verdere reis op 'n wyse soos God dit verwag, 7 want hulle is op reis om Christus te verkondig, en hulle ontvang niks van die heidene nie. 8 Dit is dus óns plig om sulke mense te onderhou, sodat ons daardeur ons deel kan bydra tot die verspreiding van die waarheid.

VRYDAG

3 Johannes 1:9-15

9 Ek het 'n briefie aan julle gemeente geskrywe, maar Diotrefes, wat danig daarop gesteld is dat hy hulle voorganger is, aanvaar nie ons gesag nie. 10 Daarom sal ek die dinge wat hy doen, ter sprake bring as ek daarheen kom: hy versprei slegte en vals gerugte oor ons; en asof dit nie genoeg is nie, ontvang hy self ook nie die medegelowiges nie, en dié wat dit wil doen, belet hy en ban hy uit die gemeente. 11 Liewe Gaius, moenie die verkeerde voorbeeld volg nie, volg die goeie. Wie goed doen, behoort aan God; wie verkeerd doen, het nie vir God gesien nie.

12 Van Demetrius getuig almal net wat goed is, en ook die waarheid bevestig dit. Ons getuig dit ook, en jy weet dat ons getuienis waar is.

13 Ek moes vir jou nog baie dinge sê, maar ek wil dit nie skriftelik doen nie. 14 Ek hoop egter om jou binnekort te sien; dan kan ons persoonlik praat. 15 Ek wens jou vrede toe. Die vriende hier stuur vir jou groete. Dra my groete oor aan die vriende daar, aan elkeen persoonlik.

HIERDIE WEEK
HET EK GELEER...

GEBRUIK DIE SPASIE HIER ONDER OM 'N PRENTJIE
TE TEKEN OF TE SKRYF OOR WAT JY HIERDIE WEEK
GELEER HET UIT JOU TYD IN GOD SE WOORD.

